



Հանրապետական մանկավարժահոգեբանական կենտրոն

«Հանրակրթական դպրոցների ուսուցիչների և ուսուցչի
Օգնականների դասավանդման հմտությունների զարգացման
ապահովում» ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Դպրոց՝ Բերդի Կ. Մարդանյանի անվան թիվ 3 հիմնական
դպրոց

Թեմա՝ Գնահատում , գնահատման տեսակներ , գնահատման
գործիքները դասավանդման շրջանակներում :

Վերապատրաստող , մենթոր՝ Էմմա Քոսակյան

Ուսուցիչ՝ Հասմիկ Բաղդրյան

ԵՐԵՎԱՆ 2023

Բովանդակություն

Ներածություն.....	3
Գլուխ 1. Գնահատում , գնահատման տեսակներ , գնահատման գործիքները դասավանդման շրջանակներում :.....	5
1.1 Գնահատում.....	5
1.2 Միավորային գնահատում.....	7
1.3 Ձևավորող գնահատում.....	9
Գլուխ 2 . Ձևավորող գնահատման իրականացման օրինակներ.....	14
Եզրակացություն.....	16
Գրականության ցանկ.....	18

Ներածություն

Կրթության մատչելիությունն ու հասանելիությունը՝ որպես հասարակության զարգացման ու առաջընթացի հիմնական միջոցներ , ամրագրվել են դեռևս 1990 – ական թվականներին :

Գիտության զարգացումը մեզ լավ հնարավորություն է տալիս հասկանալու , թե ինչպես է տեղի ունենում սովորելու գործընթացը :

Մարդու վրա ազդելու համար առաջնայինը նրա ուշադրությունը գրավելն է : Եթե հաջողվի գրավել ուշադրությունը , կհաջողվի սովորեցնել սովորել , կարևորել սովորելը: Ժամանակակից երեխան զբաղված է սերիալներ դիտելով համակարգչային տարատեսակ խաղերով , սոցիալական տարբեր հարթակներում գայթակղիչ տեսաֆիլմեր դիտելով և այլն : Եվ այս պարագայում ուսումնարության նկատմամբ հետաքրքրություն առաջացնելը բավականին բարդ է :

Աշակերտների ուշադրությունը գրավելուց հետո տեղեկությունների տարափ տեղալով՝ մենք նորից նրան ապակենտրոնացնում ենք : Գիտնականները հաստատում են , որ մարդը միանգամից կարող է սովորել առավելագույնը 9-10 րան :

Մեր կրթական համակարգում հիմա գործածության մեջ են դրված դասագրքեր , ուսումնական նյութեր, որոնց մեջ միանգամից մի քանի տասնյակ նոր անուններ , եզրույթներ , հասկացություններ, պատմություններ կան : Այդ ամենը անհնար է մտապահել կարճաժամկետ հիշողության մեջ : Ուստի ուսուցիչը պետք է հմտորեն գործածի աղյուսակներ , սանդղակներ մեջբերվող այլ զրույցներ , որոնք կապ ունեն ուսուցանվող նյութի հետ :

Տրվող նոր գիտելիքները պետք է ամբողջապես կապակցված լինեն :

Ուսուցման գործընթացում մենք հաճախ կարևորում ենք գիտելիք տալը , բայց պարզվում է , որ սովորելու չափանիշը իմացածը մտաբերելն է :

Վերջերս շատերը փորձում են գիտելիքն ու մտածողությունը հակադրել իրար , որ մեր խնդիրը գիտելիք ունենալը չէ , Google – ը ամեն ինչ գիտի , մեր խնդիրը մտածողության հմտությունները զարգացնելն է : Սակայն մենք համաձայն չենք դրան և համոզված ենք , որ ուսուցման հիմքը գիտելիքն է : Առանց գիտելիքի ոչ մի բժիշկ չի կարող լավ վիրահատություն անել , տեխնիկան չի զարգանա , տիեզերքը չի նվաճվի :

Հասարակական կյանքի բոլոր ոլորտների կարևոր բնութագրիչներից է գնահատումը կամ գնահատական տալը :

Աշխատող մարդու աշխատանքի գնահատումը արտահայտվում է աշխատավարձով, պարգևավճարով , կարգի բարձրացմամբ , մարզիկի աշխատանքը՝ մեղալով, դրամական պարգևով , արտիստինը՝ տոմսերից ստացված հասույթով , ծափերով և այլն :

Եթե մենք ընդունում ենք , որ սովորողը պարապում է , աշխատում է , պարզ է , որ սա ևս ենթադրում է գնահատում :

Հետազոտության նպատակն է ուսումնասիրել գնահատումը , գնահատման տեսակները , գնահատման գործիքները դասավանդման շրջանակներում :

Հետազոտության խնդիրներն են՝

1. Ուսումնասիրել գնահատման վերաբերյալ տեսական նյութեր : Բնութագրել գնահատման տեսակները , նշել առավելությունները, թերությունները , առանձնահատկությունները , դրանց կիրառման նպատակահարմարությունը և արդյունավետությունը :

2. Կիրառել գնահատման տեսակները և գործիքները դասավանդման շրջանակներում:

3. Կատարել արդյունքների ամփոփում, վերլուծություն և կազմել եզրակացություն:

Վարկած՝ մենք կարծում ենք , որ գնահատման առաջարկվող բոլոր տեսակներն էլ զուգահեռաբար կիրառելի են :

Ընտրանք՝ 5-7-րդ դասարանի աշակերտներ

Մեթոդներ՝ փաստաթղթերի ուսումնասիրում, դիտում, համեմատում :

Գլուխ 1. Գնահատում , գնահատման տեսակներ , գնահատման գործիքները դասավանդման շրջանակներում :

1.1 Գնահատում

Գնահատումը կրթական ոլորտում գիտելիքի , իմացական մակարդակի արտահայտության ցուցիչ է : Սակայն վերջերս այն դարձել է նաև սովորողների հնարավորությունների բացահայտման , առաջընթացի խթանման , ուսումնական մոտիվացիայի ձևավորման , սովորողի անձի ընդհանուր զարգացման վրա մեծապես ազդող գործոն : Գնահատում է մարդը՝ ինքը : Մարդու արարքը գնահատում են շրջապատը , դիմացինը , վերադասը :

Իսկ ի՞նչն ենք գնահատում : Առհասարակ գնահատվում է մարդու արարքը , պահվածքը , վերաբերմունքը , գիտելիքները , դիրքը հասարակության մեջ , բնատուր շնորհքը , աշխատասիրությունը , կարողությունը :

Ժամանակակից կրթական համակարգում սովորողների ընթացիկ և ամփոփիչ գնահատումը իրականացվում է միավորային և ձևավորող գնահատմամբ :



Գնահատումն ուսուցում է

Ձևավորող գնահատում

- . Ցուցադրություն
- . Ելքի քարտ
- . Գծապատկերների կազմում
- . Հարցազրույց
- . Ինքնագնահատում
- . Զույգերով փոխադարձ գնահատում


- . Խմբային աշխատանք
- . Էսսե
- . Հարցարանային աշխատանք
- . Հետազոտություն
- . Ներկայացում
- . Թղթապանակ

Ամփոփիչ գնահատում

- . Թեստեր
- . Ամփոփող նախագիծ
- . Կիսամյակային ամփոփիչ աշխատանք ,որը կարող է լինել գործնական աշխատանքի բանավոր հարցման կամ գրավոր աշխատանքի միջոցով :

Գնահատման արդյունքում կատարված հետևություններ





/ Աղյուսակ 1 /

Ռուբրիկ / Սանդղակ/

Ռուբրիկը գնահատման հնար է , ձև , որը հնարավորություն է տալիս հստակ գնահատել նախօրոք սահմանված չափանիշների միջոցով:

Ընդհանուր գնահատման սանդղակ

Առաջադրանքը լիովին կատարված է:

Առաջադրանքը հիմնականում կատարված է:

Լրացուցիչ ցուցումների կարիք չկա:

Միավների թեթևակի ուղղման կարիք կա:

Առաջադրանքը մասամբ է կատարված:

Լրացուցիչ ցուցումների կարիք կա:

Առաջադրանքին անդադարձել է:

Լրացուցիչ ցուցումների մեծ կարիք կա:

Առաջադրանքը կատարելու փորձ չի արել կամ անհամապատասխան լուծում է սովել հարցին:

1.2 Միավորային գնահատում

Միավորային գնահատման ժամանակ գնահատման նիշերի միջոցով չափվում և գնահատվում են սովորողի՝ չափորոշչով և ծրագրով սահմանված գիտելիքները :

Միավորային գնահատումը ստուգող գնահատում է : Ազդեցիկության և որոշիչ լինելու առումով գերակշռում է միավորային գնահատումը : Ներկայում մեր կրթական համակարգում գործում է 10 բալանոց միավորային գնահատում , որի յուրաքանչյուր թիվ նշանակում է սովորողի գիտելիքի որոշակի մակարդակ : Այստեղ անբավարար չկա: Մա առաջ է բերում մի շարք խնդիրներ : Եթե տարբերակում չկա աշխատելու և չաշխատելու միջև , ուրեմն չկա և մոտիվացիա : Բարց կա և հարցի մյուս կողմը. սովորողը կարող է ինչ-որ ձևով հաղթահարել հաջորդ մակարդակը: Գնահատականը երբեք չպետք է լինի աշակերտին պատժելու միջոց:

Միավորային գնահատման բացերից է նաև այն , որ հաճախ ցածր նիշ ստացող աշակերտը մտածում է , որ ինքը 4 – ի աշակերտ է , չի կարող բարձր ստանալ : Նրա ինքնագնահատականը ընկնում է , և ուսումնառության նկատմամբ հետաքրքրությունը

թուլանում է կամ մարում : <<Կրթական գործընթացի ժամանակակից մոտեցումներում , որպես սկզբունք , նվազեցվում է միավորային կամ նիշային գնահատման վրա սևեռվելը՝ հոգուտ ձևավորող աշխատանքների , գործնական աշխատանքների ու գիտելիքների կիրառությունների>> : [Օ. Ս. Միքայելյան, 2010թ]

Գնահատումը իրականացվում է ախտորոշման միջոցով: Ախտորոշումը սովորողի ուսումնական գործունեության վերաբերյալ եզրակացություն է :

Այսինքն՝ գնահատումը վերահսկող գործառույթ ունի: Այն ինչ-որ չափով նաև կանխատեսում է գիտելիքի, հմտության զարգացման ընթացքը :

Գնահատումը նաև նպատակադրում է : Այսինքն՝ աշակերտը հասնում է սահմանված արդյունքին , անցնում է առաջ, անում է հաջորդ քայլը :

Գնահատումը պետք է լինի անկողմնակալ,արժանահավատ , համարժեք ու թափանցիկ :

Սովորողը պետք է մշտապես մասնակից լինի գնահատման գործընթացին , հասկանա իր բացթողումը , միավորի կորուստը , գնահատման չափանիշը : Եթե բանավոր հարցման ժամանակ միավորը ձևավորվում է ճիշտ ընթերցելու , մտքերը գրագետ ձևակերպելու , կուռ ու տրամաբանված ներկայացնելու , սեփական տեսակետը համոզիչ ներկայացնելու միջոցով , ապա գրավոր խոսքում դրան ավելանում են ուղագրական և կետադրական կանոնները պահպանելը , քերականական և բառակազմական սխալները բացառելը, պարբերությունները առանձնացնելը և այլն :

Ուստի սովորողը պետք է իմանա , որ գնահատման ժամանակ ամեն ինչ կարևոր է , և որ սխալը ինչ արժե :

Չափորոշիչների նոր նախագծի համաձայն ` աշակերտները միավորային գնահատական չեն ստանա մինչև 5-րդ դասարանի 2-րդ կիսամյակ : 10 բալանոց համակարգը կունենա զուտ քանակական գնահատման նշանակություն :[ՀՀ Կառավարության N439 որոշման նախագիծ]:

Նոր խնդիր է , թե մինչև 5-րդ դասարան չգնահատված աշակերտին գնահատելու դեպքում արդյոք անցումը կարող է սահուն լինել և նոր ցնցում ու սթրես չի պարունակում սովորողի և ուսուցչի համար :

Գնահատման արդյունքն արտահայտվում է պաշտոնապես ընդունված միավորների սանդղակով ` գնահատականներով:

Գնահատումն իրականացվում է 10 միավորային սանդղակով

Միավոր	Անվանում
10	«բացառիկ»
9	«գերազանց»
8	«շատ լավ»
7	«լավ»
6	«միջինից բարձր»
5	«միջին»
4	«բավարար»
3	«անբավարար»
2	«վատ»
1	«շատ վատ»

/ Աղյուսակ 2 /

1.3 Ձեռավորող գնահատում

Ձեռավորող կամ ուսուցանող գնահատումը սովորողների համար հետադարձ կապ է , որը թույլ է տալիս նրանց՝ որոշելու , թե ինչ քայլեր պետք է իրենք ձեռնարկեն իրենց արդյունքները բարելավելու համար : Ձեռավորող գնահատման նպատակն է նպաստել յուրաքանչյուր աշակերտի անհատական որակների զարգացմանը: Գնահատման այս եղանակը ենթադրում է .

Արդյունավետ ուսուցում

Մոտիվացիայի ապահովում

Նպատակների հստակեցում

Ինքնագնահատում

Փոխադարձ գնահատում


Ինքնուրույն ուսումնառության խթանում :

Ձևավորող գնահատման ժամանակ կարևոր է, որ սովորողը գնահատվի ոչ թե ուրիշների հետ համեմատվելով , այլ իր `մինչ այդ գործադրած ջանքերի և գրանցած արդյունքների համեմատ :

Առանց հայտորոշման ուսուցիչը չի կարող անհրաժեշտ մակարդակով կիրառել ձևավորող գնահատումը , որը իր հերթին ազդում է միավորային գնահատման վրա : ՁԳ - ն կիրառվում է թե՛ ուսուցչի , թե՛ սովորողի համար ընդունելի հնարներով : Ուսուցման գործընթացում գնահատման օբյեկտը սովորողի գործունեությունն է, ոչ թե սովորողը :

ՁԳ – ն`

1)ուսուցչի և սովորողների հետադարձ կապն է ուսուցման արդյունավետության բարձրացման նպատակով ,



/ Աղյուսակ 3 /

2) սովորողի ակտիվ մասնակցությունն է սեփական ուսումնառության գործին,

3)ճշգրտում,շտկում ` հաշվի առնելով գնահատման արդյունքները,

4)սովորողների մոտիվացիայի և ինքնագնահատականի վրա խորքային ազդեցության գիտակցում,որն իր հերթին կարևոր ազդեցություն ունի ուսուցման արդյունավետության վրա,

5) սովորողների կողմից իրենց գիտելիքների ինքնուրույն գնահատման ունակության ձևավորում:

ՁԳ – ի սկզբունքները.

1. Երեխայի հաջողության հիմնական ցուցանիշներն են՝ զարգացման անհատական դինամիկան և սովորելու ցանկությունը :

2. Հնարավորություն է տալիս բոլոր երեխաներին ակտիվորեն մասնակցել ուսումնական գործընթացին :

3. Երեխայի հաջողության ցուցանիշները հնարավոր է ձևավորել միայն անհատական մոտեցմամբ:

4. ՁԳ – ի համակարգը գործընթաց է , որը հիմնված է սովորողների կրթական նվաճումների համեմատության վրա :

Ձևավորող գնահատումը ուսուցչից պահանջում է .

1. նյութեր կազմել և կիրառել,
2. ապահովել բոլոր սովորողների ներգրավվածությունը,
3. անհատական մոտեցում ցուցաբերել սովորողների կարիքներին,
4. առաջարկներ անել ուսումնական ծրագրի բարելավման ուղղությամբ,
5. բարելավել դասավանդման որակը,
6. կիրառել գնահատման բազմազան գործիքներ,

ՁԳ- ի գործիքներ

1. Բանավոր հարցման գնահատման սանդղակ :

2. Գնահատման անիվ :

3. Գնահատման 5 գաղափար :

4. Փոխադարձ գնահատում :

5. Ինքնագնահատում :

6. Հայտորոշիչ թեստ :

7. Խոսքի զարգացում – դերային խաղ :

8. Գրավոր աշխատանք :

9. Գործնական աշխատանք :

Բանավոր հարցումը մայրենիի դասին 5-րդ և 6-րդ դասարաններում հարմար է կրատել : Մանդղակում ըստ ամիսների նշում ենք աշակերտի ուսումնառության ընթացքը :

Մեպտեմբեր – Խոսքը չի համապատասխանում թեմային :

Մտքերը անհասկանալի են:

Հոկտեմբեր – Խոսքը կառուցում է թեմայի շուրջ :

Նոյեմբեր – Խոսքը համապատասխանում է թեմային , ձևակերպում է ինքնուրույն մտքեր:

Դեկտեմբեր – Պարզաբանում է պատճառահետևանքային կապերը լրացուցիչ տեղեկություններ է հաղորդում :

Փոխադարձ գնահատումը իրականացվում է հետևյալ տարբերակներով՝ սովորողը՝ սովորողին , խումբը՝ խմբին , սովորողը՝ խմբին , խումբը՝ սովորողին :

Մենք ուրախանում ենք ուրիշի հաջողությամբ , օգնում ենք նրան անհաջողության դեպքում :

Այս գնահատման միջոցով սովորողները հասկանում են իրենց ուժեղ և թույլ կողմերը , սխալները, ստանում են նոր հանձնարարություններ : Այստեղ կարևոր է , որ դասընկերոջը գնահատող սովորողը լինի օբյեկտիվ , նշումները, ուղղումները կատարի պարզ , հասկանալի : Անհրաժեշտ արդյունք արձանագրելու համար պետք է ապահովել համագործակցային , մոտիվացնող միջավայր , միմյանց գնահատելու , սովորեցնելու , կապ ստեղծելու ցանկություն :

Պետք է նախապես պլանավորել առաջադրանքը , գնահատման սանդղակը, հիմնավորել փոխադարձ մեկնաբանությունները :

Ինքնագնահատումը երևում է վերջնարդյունքներ ստուգելիս: Սովորողը ձեռք է բերում ժամանակի արդյունավետ կառավարման հմտություն , քննադատաբար և բազմակողմանի ուսումնասիրում է սովորածը :

Գրավոր աշխատանք . թելադրություն

Ուսուցիչը տեքստից դուրս է բերում սխալ գրված բառերի ճիշտ տարբերակները և հրահանգում, որ աշակերտը տեքստում գտնի դրանք և ուղղի : Կանաչ գրիչով ընդգծում է նոր սովորած բառերը , որ ճիշտ է գրել , իսկ կարմիրով՝ սխալները : Առաջարկում է գրել դրանց ճիշտ ձևերը՝ սովորելով բառարանից :

Գործնական աշխատանք . դրանք բազմազան են՝ պաստառի ձևավորում , էքսկուրսիայի ընթացքում տեսածի և լսածի ներկայացում, նախագծի իրականացում : Այս աշխատանքները կարող են իրականացվել ինչպես անհատապես , այնպես էլ խմբային աշխատանքի շրջանակում , տանը , դպրոցում :

Հետադարձ կապ . լինում է արտաքին և ներքին : Արտաքին կապն ապահովում է ուսուցիչ – սովորող , սովորող – ուսուցիչ կամ սովորող – սովորող կապերը :

Ներքին կապը ուսուցչի և սովորողների սեփական գործողությունների նկատմամբ կատարած ինքնաանդրադարձն է : Ուսուցիչը բացահայտում է իր գործողությունների ստացված և չստացված պահերը դրանց հիման վրա պլանավորում հետագա գործողությունները , իսկ աշակերտը, իր աշխատանքը վերլուծելով , բարելավում է իր ուսումնառությունը : Այդ ամենը իրականացվում է բանավոր զրույցի , գրավոր մեկնաբանության , գծապատկերների , տեսագրության և այլ միջոցներով :

Թե՛ միավորային , թե՛ ձևավորող գնահատումները իրագործվում են որոշակի ընթացակարգով , կանոններով , որոնք վերաբերում են սովորողի աշխատանքի որակին՝ սովորողի ձեռքբերումների տեսանկյունից :

Երկուսի դեպքում էլ պահանջվում են հարց – առաջադրանքներ : Միավորային գնահատման ժամանակ դրանք ինչ-որ չափով տեղեկատվական փաստեր բովանդակող նյութեր են , իսկ ՁԳ – ի ժամանակ ուսուցանող բնույթ ունեն : ՁԳ – ի նպատակով տրվող առաջադրանքները բացահայտում են սովորողի տրամաբանությունը , ինքնուրույն դատողություններ անելու կարողությունը , բացահայտվում են սովորողների ուսումնական կարիքները : Ուսուցիչը և աշակերտը պարզում են ոչ միայն գիտելիքի, հմտության յուրացման չափը , այլև որակը և փորձում են գտնել դրանց յուրացման նոր ուղիներ : Ուսուցիչը պետք է սովորելու համար նպաստավոր միջավայր ապահովի, որպեսզի սովորողը կարողանա ազատ և անկաշկանդ մտածել , փնտրել , հետազոտել , վարկածներ մշակել , կարծիք հայտնել

և այլն :



/Աղյուսակ 4/

Գլուխ 2 . Ձեւավորող գնահատման իրականացման օրինակներ

Հետազոտության նպատակն է ուսումնասիրել գնահատումը , գնահատման տեսակները , գնահատման գործիքները դասավանդման շրջանակներում :

Հետազոտության խնդիրներն են՝

1. Ուսումնասիրել գնահատման վերաբերյալ տեսական նյութեր : Բնութագրել գնահատման տեսակները , նշել առավելությունները, թերությունները , առանձնահատկությունները , դրանց կիրառման նպատակահարմարությունը և արդյունավետությունը :

2. Կիրառել գնահատման տեսակները և գործիքները դասավանդման շրջանակներում:

3. Կատարել արդյունքների ամփոփում, վերլուծություն և կազմել եզրակացություն:

Վարկած՝ մենք կարծում ենք, որ գնահատման առաջարկվող բոլոր տեսակներն էլ գուցահեռաբար կիրառելի են:

Ընտրանք՝ 5-7-րդ դասարանի աշակերտներ

Մեթոդներ՝ փաստաթղթերի ուսումնասիրում, դիտում, համեմատում:

Բառ – թելադրություն

Ուսուցիչը մի քանի աշակերտների հրավիրում է գրատախտակի մոտ, թելադրում ուղղագրական որևէ կանոնի վերաբերող բառաշարք: Դասարանը ևս գրում է:
Հետո աշակերտները կատարում են փոխադարձ ստուգում: Ուսուցիչը ստուգում է և՛ գրողին, և՛ ստուգողին: Դասարանը ինքնաստուգում է իրականցում՝ համեմատելով գրատախտակի գրվածի հետ: Հետո նշում են սխալները և հիմնավորում ճիշտը:

Ուսուցողական ստեղծագործական շարադրություն

Սա գրավոր խոսքի զարգացման ձևերից մեկն է: Կարևոր է թեմայի ընտրությունը. այն պետք է համապատասխանի աշակերտների տարիքին, հուզական դրսևորումներին: Նախապես ուսուցիչը կարող է մեջբերել մի պատմություն, որը ինչ-որ առնչություն կամ նմանություն ունի ընտրված վերնագրի հետ: Աշակերտները կքննարկեն, կարտահայտեն իրենց կարծիքը, մտեցումը, կարծևորեն հերոսի արարքը և կգրեն շարադրությունը:

Տեղին է նշել, որ ստեղծագործական աշխատանքներին շատ ժամանակ հատկացնել հնարավոր չի լինում, աշակերտների մեջ պակաս է պատկերավոր ծոսք կազմելու ձգտումը, հմտությունը:

Հեքիաթի կամ պատմվածքի հերոսի արարքի մեկնաբանում: Աշակերտը կարող է կողմ կամ դեմ լինել համաձայնել կամ չհամաձայնել, նոր վերնագրի ընտրել, նոր ավարտ հորինել, սեփական դիրքորոշում ունենալ:

Առաջարկել ենք պնդումներով հարց – առաջադրանքներ (ճիշտ է, սխալ է):

Արմատի և ածանցի ուսումնասիրության ժամանակ կատարում ենք արմատների տեղաշարժ՝ բացատրելու արմատի իմաստակիր անբաժանելի միավոր լինելը:

Օրինակ՝ ջրափոս – աղաջուր – ընդջրյա

Ջրծաղիկ – ծաղկաման – վարդածաղկավոր

Մ – ան աղյուսակով առանձնացնել հնչյունափոխված և անհնչյունափոխ արմատները :

Կատարել բառի բառակազմական վարչություն:

Կազմել բառեր տրված բառակազմական կաղապարներով .

Արմատ + հոդակապ + արմատ

Արմատ + արմատ

Ածանց + արմատ + ածանց

Արմատ + ածանց + արմատ

Կազմել հոմանշային շարքեր

Համանունները գործածել նախադասությունների մեջ :

Բառաշարքում գտնել ավելորդը :

Անհատական առաջադրանքներ :

Առաջադրանքներ զույգերով կատարելու համար :


5-րդ և 6 –րդ դասարանների համար առաջարկված ուսումնական նյութերը բավականին տարողունակ են և ուսուցանող , հազեցած հետաքրքիր և տարաբնույթ առաջադրանքներով :

Կյանքը հոսում է տարբեր ուղղություններով, իսկ այդ ուղղությունները որոշելու համար անհրաժեշտ են չափորոշիչներ:Որքան մարդը վերլուծական մտածողությամբ է օժտված,այնքան նրա ընտրած չափորոշիչները համահունչ են կյանքին:

ԵԶՐԱԿԱՅՈՒԹՅՈՒՆ

Այսպիսով՝ սովորողի ուսումնառության գնահատումը անհրաժեշտ և կարևոր է կրթության ախտորոշման, հայտորոշման, խթանման, բարելավման և այլ տեսանկյուններից:

Կարծում ենք, որ սովորող-ուսուցիչ-ծնող կապը պետք է լինի պատշաճ մակարդակի վրա, որովհետև կրթության գործընթացի մասնակից է նաև ծնողը: Անհրաժեշտ է, որ այս եռյակի նպատակը լինի նույնը. ծնողը չպայքարի գնահատականի համար, ինչպես հաճախ է լինում:



/ Աղյուսակ 5/

Եթե միավորային գնահատումը տեղի զիջի, աստիճանաբար լուծվի ձևավորողի մեջ կփոխվեն պահանջները, բայց, կարծում ենք, մեր կրթական համակարգը դեռևս պատրաստ չէ այդպիսի անցման:

Անցումը տարրական դպրոցից հիմնական դպրոց պետք է կատարվի հստակ, թափանցիկ, չափելի բնութագրիչներով, սովորողների հմտությունների ու կարողությունների ռեալ բնութագրմամբ:

Դիտարկումները ցույց են տալիս, որ կրթության որակի անկում արձանագրվում է միջին դպրոցում: Եթե հաշվի առնենք, որ բազմաթիվ առարկաներ սկսում են ուսումնասիրել 5-9-րդ դասարաններում, մի քանի ուսուցիչներ են սկսում աշխատել աշակերտների հետ, հոգեբանական այս գործոններին ավելանում է նաև այն, որ ծնողները երեխաներին <<մեծ>> են համարում և հաճախ թողնում են ինքնուրույն, պատճառը պարզ կդռանա:

Եթե միջին դպրոցում բացառվի միավորային գնահատումը, շատ խնդիրներ կառաջանան, ուստի պետք է լավ պատրաստվել դրան:

Նիշը՝ միավորը, որքան էլ հարաբերականորեն արտահայտի գիտելիքի մակարդակը, այնուամենայնիվ ունի ուժ՝ սթափեցնող, մոտիվացնող, մրցունակ դարձնող, տարբերակող:

Քննարկելով, հակադրելով ու համադրելով գնահատման միավորային և ձևավորող տեսակները՝ համոզվում ենք, որ դրանք կարելի է զուգահեռաբար կիրառել: Կարելի է հենվել առավելությունների վրա՝ հաշվի առնելով դրանց կարևորությունը սովորողի ուսման որակի բարելավման գործում:

Կրկին հավաստում ենք, որ միավորային և ձևավորող գնահատումները իրար լրացնում են, չեն հակասում և կարող են կիրառվել միաժամանակ:

Օգտագործված գրականության ցանկ

1. Միփան Հայրապետյան, Կարեն Նազարյան, Զավեն Տոնոյան- <<Սոցիալական հավասարությունը և արադարությունը դպրոցում>>, Երևան, 2020թ.:
2. Տաթևիկ Մարաբյան, Նունե Դիշադաջյան- <<Ձևավորող գնահատում>>, Վանաձոր, 2022թ.:
3. Օ.Ս. Միքայելյան- <<Ընթացիկ գնահատման նոր համակարգը որպես կրթության որակի բարելավման խթան>>, Երևան, 2010թ.:
4. <<ՀՀ Կառավարության 2010թ Ապրիլի 8-ի N439 որոշման մեջ փոփոխություններ կատարելու մասին>> ՀՀ կառավարության որոշման նախագիծ:
5. kznaknahatum.blogspot.com